

# He Pire e Huaina Ana

HE TURE hei whakatopu hei whakatika i te Ture whakarite tikanga mo te whakaaranga me te whakapainga o nga Taiapa wehewehe rohe whenua me nga Taiapa arai Rapeti.

Ka Meingatia Hei Ture e te Runanga Nui o Niue i roto i te Paremete, i runga hoki i tona mana, are:—

- Te Ingoa Poto o tenei Ture ko "Te Ture Taiapa, 1895," a mo te tahi o nga ra o Hanuere tau tahi mano waru rau iwa tekau ma ono ka timata ai te mana o tenei Ture.
  - I roto i tenei Ture, me ka kore e rereke te hangai i nga putake o roto nei,—
    - "Te Tuku" me te "Tukunga" tona tikanga he tuku i te whenua mo tona wa, i runga i te riihi, i te raihana ranei, hui atu hoki ki te tuku rawa atu, i runga i te tikanga hoko pewhea ranei:
    - "Whenua a te Karauna" tona tikanga ko nga whenua katoa kua oti te whakatau ki te Karauna:
    - "Tangata e noho ana i runga i nga whenua a te Karauna" tona tikanga ko te tangata e noho ana i runga i te whenua a te Karauna, rahui ranei mo te katoa, whenua Maori ranei, ara i runga i nga tikanga o te wahanga rua (2) o te tekiona toru, hui atu ki nga Kai-tiaki o nga Rau (*Wardens of Hundreds*), me nga kai-tiaki me nga kaiwhakahaere, me era atu tangata kei a ratou te tikanga mo nga wahi watea mo te katoa me nga rahui keri koura; engari kaore e pa atu aua kupu ki nga tangata e pupuru ana i nga whenua o to Karauna i runga i te tikanga taihoa e utu, i runga ranei i te riihi mahi paamu, raihana ranei me te mana ki te hoko, riihi tuturu, riihi pumau tonu ranei, raana hipi mea iti, riihi noho ranei i te whenua takiwa keri koura:
    - "Taiapa" tona tikanga ko nga taiapa katoa o ia ahua e whaka-huatia ana i te Kupu Apiti A hei wehe i te whenua a tetahi tangata, a tetahi tangata; e uru mai ana hoki ki taua kupu "taiapa" nga keeti katoa e whaitikanga ana kia hanga, me nga keeti tarewa e tutaki ana i nga wherua awa, me nga rerenga wai puke, me nga korere wai mea tanu ki te whenua:
    - "Kaiwhakawa" tona tikanga ko te Kaiwhakawa Tuturu:
    - "Maori" tona tikanga ko nga Maori o Niu Tironi, hui atu ki nga hawhe-kaihe me o ratou uri:
    - "Te Tangato noho," tona tikanga, ko nga tangata katoa e noho ana i runga i te whenua, e tika ana ranei kia noho i runga i tetani whenua kua riro mai ki a ia i te Karauna, whenua Maori, tetahi atu tu whenua ranei, e pangia ana etenei Ture, i runga i nga tikanga kua whakaritea ake nei ite tekiona toru, me te tangata kua hoko, kua whiwhi ranei i tetahi whenua, paanga ranei; me nga hunga whakahaere takiwa, kai-tiaki ranei, tetahi atu tangata ranei kua tau ki a ia nga take, nga tikanga whakahaere ranei, mo tetahi rahui mo te katoa:
    - "Tangata nona" tona tikanga, ko te tangata nona ake te whenua, ka tau tuturu ranei ki a ia mo te wa e ora ai, kei a ia ranei e pupuri ana te whenua mo nga tau kaore e iti iho ana i te tahi tekau tau, hui atu ki te kai-tiaki mo te tangata nona mehemea ra e mana kore ana taua tangata ki ta te Ture, engari hoki kaua te tangata e tuku ana i te moni hei mokete i te whenua e uru mai ki raro i nga tikanga o enei kupu "Tangata nona" mehemea ra, kaore e noho ana i runga i taua whenua:
    - "Rahui mo te Katoa" tona tikanga ko nga rahui katoa a te Karauna me era atu tu whenua kua rahuitia hei painga mo te katoa:
    - "Taiapa arai rapeti" tona tikanga ko ia taiapa he mea hanga kia rite ki tetahi o nga tu ahua taiapa kua whaka-huatia ake nei i te wahi tuarua o te Kupu Apiti A i hanga i whakahoutia ranei hei arai rapeti:
    - "Huarahi," "Tiriti" ranei, tona tikanga ko nga huarahi katoa, ara iti, whakawhitinga, wahi ranei e watea ana ki te katea, ahakoa hei haerenga kaata, hoiho, waewae ranei:
    - "Te whakapai," tona tikanga he topetope, he tiaki, he whakahaere ranei kei kino te taiapa tupu, he whakawatea, whakahohonu, he whakatika ranei i te awa, awa-keri-I tetahi awaawa rerenga wai ranei e waiho ana hei taiapa.
    - Me pa atu tenei Ture, ki—
      - Nga whenua katoa a nga Maori kua puta te Karauna karaati, tetahi atu take ranei kua whakataua e te Kooti Whenua Maori, pewhea ranei, ka pa atu hoki ki nga whenua e puritia ana e te Kai-tiaki mo te Katoa i raro i nga tikanga o "Te Ture Whakatau Rahui o te Tai Hauauru, 1892," e tiakina ana ranei e ia i raro i etahi atu tikanga; a me pa atu hoki, ki:
      - Nga whenua e puritia ana e nga Maori i raro i a ratou ritenga me a ratou tikanga, i rahuitia ranei mo ratou kaore ano kia whakataua nga take, engari e riihitia ana hei painga mo te hunga whakitake:
      - Mo runga mo nga tikanga o tenei Ture, ka meingatia ko te Kai-tiaki mo te Katoa te tangata nana nga whenua katoa e whakataua peratia ana ki a ia: Engari kaua e waiho mana ake e utu nga whakataunga i raro i nga tikanga o tenei Ture.
      - Kaua tenei Ture e pa atu ki nga whenua a te Karauna kaore ano kia hokona, ki nga rahui ranei mo te katoa

kaore ano kia whakataua ki nga hunga whakahaere takiwa, kai-tiaki, ki etahi atu tangata ranei; a kaore hoki e tika i raro i tenei Ture kia utua e te Karauna, e te Kawana, e tetahi Poari whakahaere whenua, apoha ranei e whakahaere ana i nga whenua a te Karauna, rahui ranei mo te katoa, tetahi taha o te utu mo te hanganga me te whakapainga ranei i tetahi taiapa.

- Mehemea ka hanga he taiapa i raro i nga tikanga o tenei Ture hei rohe i waenganui i nga whenua e puritia ana e tetahi tangata e noho ana i runga i te whenua a te Karauna me te whenua e piri ana ki tera ka waiho ki taua tangata e noho ana i runga i te whenua a te Karauna mana te whakaaro ki te utu ki nga tangata nana te taiapa i hanga, ki te tangata ranei e tika ana, te hawhe o nga moni mo te hanganga, kia utua ranei e ia ko te moni hua itareti kia rite ki te kotahi tekau pauna mo ia tau mo ia rau pauna i pau, ko aua moni hua itareti me utu i ia tau i ia tau e noho ana ia i runga i te whenua.  
Engari e tika ana kia utua e taua tangata e noho ana i runga i te whenua a te Karauna te hawhe o nga moni e pau ana mo te whakapainga i te taiapa pera i te wa e noho ana ia i taua whenua.
- Ka ahei te Poari Whenua, i raro i "Te Ture Whenua 1892" ki te ki he whakapainga tuturu mo te whenua i raro i nga tikanga o taua Ture te taiapa arai rapeti.

## Hanga Taiapa.

- Ko ia taiapa rohe o tetahi o nga tu taiapa e whakahuatia ake nei i te Kupu Apiti A o tenei Ture, ka meingatia he taiapa totika i raro i nga tikanga o tenei Ture.
- Ka ahei nga Paro Kaunihera, Poari Taone ranei ki te whaka-hau kia kaua e mahia he taiapa mehemea he waea putarataro etahi o nga waea he pera ranei nga waea katoa o te taiapa o roto o nga rohe o te takiwa taone paro ranei, i roto ranei i ona rohe e whakaritea ana kia kaua he taiapa pera ki reira.
- Ko nga taiapa e tu ana inaianei, i whakaturia i runga i nga tikanga o nga Ture kua whakakorea atu nei e tenei Ture, kaore he tikanga kia hanga ano aua taiapa kia whai mana ai i raro i nga tikanga o tenei Ture, engari kia hanga houtia ra ano ka whakarite ai ki nga tu ahau taiapa e whakaritea ana e tehei Ture.
- Ko nga tangata na ratou nga whenua, nga tangata ranei e noho ana i runga i nga whenua e piri ana te takoto, kaore ano kia mahia tikatia te taiapa rohe ka tika kia utua e ratou te hawhe o nga moni e pau i te hanganga i te taiapa o te rohe, ahakoa kaore e puta rawa te taiapa ki te pito whakamutunga o te rohe.  
Engari e kore e whaitikanga kia utu atu tetahi tangata noho whenua i te utu mo te hanganga i tetahi taiapa mehemea kaore e tutuki haere tonu ana te taiapa i tetahi pito ki tetahi pito, ina taea ra te pera.
- Ko te tangata e hiahia ana ki te tono ia ki tona hoa tutata kia utu ia i tetahi wahi o te moni hei hanga i te taiapa o te rohe, i raro i nga tikanga o tenei Ture me tuku ia i tetahi panui pera.  
Ko taua panui me tuhi kia rite ki te ahua nama tahi i te Kupu Apiti B o tenei Ture, me whakaatu i te rohe e hiahia ana Kia taiapatia, me te tu ahua taiapa e whakaarohia ana kia mahia, me te roa o te taiapa, me te moni o maharatia ana tera e pau mo ia tiini o te taiapa.  
Mehemea ka hanga noatia e te tangata he taiapa rohe kaore ia i tuku panui pera, e kore e mana tana tono atu ki te tangata noho i te whenua e piri ana ki tana kia utua atu tetahi wahi o te moni mo taua taiapa, engari ka tika kia utu taua tangata noho tata. i te hawhe o te utu mo te whakapainga i te taiapa.
- Mehemea e whakahe ana te tangata e tae atu ana ki a ia tetahi panui pera ki etahi o nga tikanga o roto o taua panui ka ahei ia i roto i nga ra e rua tekau ma tahi i muri o te taenga atu o taua panui, ki te tuku atu i tana panui utu atu, me tana whakaatu atu i nga take e whakahengia ana e ia, me tana whakaatu atu i ana tikanga i pai ai mo taua mahinga taiapa.  
Ko taua panui utu pera atu, me tuhituhi i runga i te ahua o te tauira nama rua o te Kupu Apiti B o tenei Ture.  
Mehemea ka kore e tukuna atu te panui utu pera atu i rote i aua ra e rua tekau ma tahi, ka meingatia kua whakaae atu ia ki nga tikanga o roto o te panui i tukuna atu ra ki a ia.
- Mehemea kua tuku panui nga tangata noho tata tetahi ki tetahi kia hanga he taiapa rohe, a i roto i aua panui tono e ahua ke ana nga taiapa e whakahaua ana kia mahia, hei reira (mehemea ka kore e rite i a raua ake i roto i nga ra rua tekau ma tahi i muri tata iho o te taenga atu o te mea o muri o aua panui) ma tetahi Kai-whakawa e whakataua aua take i runga i nga tikanga e whai ake nei.
- Mehemea ka pataia ki te Kai-whakawa te tikanga mo te hanganga o tetahi taiapa arai rapeti, mo te mahinga ranei i tetahi atu tu taiapa kua ara Kia rite ki tona ahua totika o te taiapa arai rapeti, a ka whakataua e te Kai-whakawa e kore e puta atu he painga ki te tangata i tukuna atu ra ki a ia he tono taiapa i runga i te mahinga [unclear: i] te whakarereketanga ranei i te ahua o te taiapa, a kaore e tika ana kia utu ia i te hawhe o te mahinga, kei reira,—  
Ka ahei te tangata nana i tuku te tono, ki te hanga ki te whakarereke ranei i te ahua o te taiapa, ka ahei hoki i tona wa e pai ai ia ki te tango atu i te kupenga waea i whaka-maua atn ra e ia, ano nana ake taua kupenga waea;

Ka tika ano kia utua e te tangata e tae atu ana te panui ki a ia i te hawhe o te moni e pau ana i te mahinga i te taiapa e hara nei i te taiapa arai rapeti (mehemea [*unclear: ra*] kaore he taiapa), hui atu ki nga moni e whakataua ana e te Kai-whakawa ina mahara ia e tika ana kia utaa atu mo he moni, mehemea e whakaaro ana ia tera e puta he painga ki taua tangata i te mahinga o tetahi taiapa arai rapeti;

Ka tika hoki kia utua e te tangata e tae atu ana te panui ki a ia i te hawhe o te moni e pau i te whakapainga i te taiapa arai repeti.

- Mehemea ka turi ka mangere ranei tetahi o aua tangata [*unclear: a*] kaore e timata ana i roto nga ra e rua tekau ma tahi ki te whakarita i ta [*unclear: na*] i whakaae ai kia hanga e ia, a ki te timataria kautia a kaore e whakaotia ana te mahi i whakaritea ra hei mahi mana, ka ahei tetahi o raua i taua wa ano, i roto ranei i nga marama e toru ki te hanga i te taiapa o taua tu ahua ano i whakaritea ra e raua, a i taua wa ano, i. tona wa ranei a muri atu ka taea e ia te tono atu kia utua atu te moni e tika ana mo te mahinga o te taiapa e te tangata kaore ra ia i mahi i tana
- I te wa e tae atu ai tetahi tangata hou hei tangata noho i runga i te whenua, a kua ara te taiapa rohe atu i te whenua e piri ana ki tana, he mea hanga na te tangata o runga o taua whenua, ka tika ano ma te tangata tae hou atu e utu nga raruraru e tika ana kia utua e te tangata noho tuatahi i runga i taua whenua i te wa i whaka-rerea ai e ia.
- Ki te whakaturia he taiapa ki tetahi whenua, a i taua wa i whakaturia ai taua taiapa, kaore i te pangia nga whenua e piri ana ki taua whenua e nga tikanga o tenei Ture o nga Ture ranei kua whakakorea atu nei e tenei, engari no muri i uru mai ai ki raro ki nga tikanga o tenei Ture, kei reira me utu e te tangata kei a ia taua whenua ra, i roto i te marama kotahi i muri o te taenga atu o te pukapuka tono pera atu, ki te tangata nana i mahi taua taiapa, te hawhe o nga utu totika mo taua taiapa i taua wa, ka tika hoki kia utua e ia te hawhe o te utu mo te whakapainga o te taiapa, puta noa te wa e noho ai ia i taua whenua.
- Mehemea ka tautohetia, ma te Kai-whakawa, e whakatau te moni hei utu ma raua, i runga ano i nga tikanga kua whakaritea i raro iho nei.

Engari mehemea e purutia ana e te tangata noho i runga i te whenua i runga i te tikanga o tetahi riihi kaore nei e roa atu ana i te rima tau nga tau o tona riihi, heoi ano te utu mana ko nga utu e whakaritea ana i roto i te tekiona rima.

Engari hoki ki te mutu taua riihi, ki te mutu rere ranei i waenganui, ka tika kia tau ki te tangata noho nga tikanga o te wahanga (1) o tenei tekiona.

- Ki te hiahia kia whakaarahia he taiapa ki te whenua e kapi ana i te ngaherehere, ka ahei te tangata e hanga ana i te taiapa ki te tua ki te tahu i te ngaherehere engari kaua e hipa atu i te toru tekau ma toru putu te whanui ki tetahi taha ki tetahi taha o te rohe; a ko te moni i pau i te tuanga me apiti atu ki nga moni i pau i te mahinga i te taiapa, a me whakarite te moni hei utu ma tetahi tangata ma tetahi tangata.  
Engari e kore nga tikanga o tenei tekiona e whakamana i te tangata ki te tua i nga rakau mea whakatipu, rakau mea ata waiho marire ranei hei whakaruru mehemea ra kaore e neke atu ana i te rima tiini te whanui.
- Mehemea he awa, he awa keri, he wherua rerenga wai, he kowhatu ranei kei te rohe o nga whenua e takoto piri ana nga rohe ka tika kia whakaae nga tangata e noho ana i aua whenua, ki te raina hei haerenga mo te taiapa, i tetahi taha i tetahi taha ranei o te rohe, a ki te kore e taea e raua te whakarite, ma te Kai-whakawa e whakatau te wahi hei haerenga mo te taiapa, i runga i nga huarahi e whakaritea ake nei.  
Ka ahei te Kai-whakawa ki te whakarite i tetahi tangata i etahi tangata ranei hei titiro i te raina mo te taiapa, a mana e whakatau mehemea e whaitikanga ana kia mahia he taiapa; a mehemea e whaitikanga ana, mana. e whakatau te wahi hei haerenga mo te taiapa, a mana hoki e whakatau mehemea e tika ana kia utua he moni a tau ki

## Whakapainga Taiapa.

- Mehemea ka ahua kino ka pakaru ranei tetahi taiapa, e tika ana ma nga tangata noho i tetahi taha i tetahi taha e utu te whakapainga kia rite tonu nga moni hei utu ma raua.
- Ki te hiahia te tangata e noho ana i tetahi taha o tetahi taiapa ki te whakapai i nga pakaru o taua taiapa, ka whai mana ia ki te tuku panui atu ki te tangata noho i tera taha o taua taiapa he tono i a ia hei hoa mona ki te whakapai i taua taiapa, a mehemea ka turi ia ka kore ranei e whakaae atu ki taua tono i roto i te wiki kotahi, ka ahei te kai-tono ki te mahi i taua taiapa pakaru, ki te tono atu hoki i te hawhe o te utu e tika ana kia utua mo taua mahinga.
- Ki te pakaru tetahi taiapa i tetahi mea i puta ohorere mai i tetahi atu mea ranei, a e tika ana kia whakapainga i reira tonu, ka tika noatu ma tetahi o nga tangata e noho ana i tetahi taha o taua taiapa e mahi tonu atu taua taiapa, kaore he take kia tukua he panui kia hanga, a i runga i nga tikanga o te tekiona e whai ake nei i tenei, ka ahei ia i reira ki te tono i te hawhe o te utu mo taua mahinga kia hoatu ki a ia e te

tangata noho i tera taha o te taiapa.

- Mehemea i runga i te mangere i te he ranei o tetahi tangata noho ka pakaru tetahi taiapa i te kararehe, ka wera ranei i te ahi, ka hingaia ranei e te rakau ka pakaru ranei i tetahi atu mea, ka tika kia riro ma taua tangata anake e utu te whakapainga i te taiapa i pakarui ra i pau ra ranei i te ahi.
- Kaua nga tikanga o roto nei e takahi e tango atu e whakararuraru ranei i te mana o tetahi tangata ki te tono utu mo te kinonga mo te paunga ranei o te taiapa i te ahi i tahuna i runga i te kuare i te pokonoa ranei.

## Tikanga Whakahaere.

- Me whaimaua te Kai-whakawa ki te whakawa ki te whakatau i nga putake me nga tautohe katoa e puta ana i raro i tenei Ture, ara mo runga mo,—  
**Te whakaara me te whakapai i nga taiapa;**  
Te ahua o te taiapa ka whakaarahia (te ruinga me te tounga o te taiapa tupu, i te wa e hanga ai te taiapa, a tona wa a muri atu ranei, a me ata whakaaro ano te ahua whakaruru o te taiapa i te mea e whakataua ana te tu ahua taiapa);  
**Nga taugata mana e whakaara e whakapai tetahi taiapa;**  
**Te mahinga i tetahi taiapa ehara nei i te taiapa arai rapeti hei taiapa arai rapeti;**  
**Te raina e haere ai te taiapa me te nui o nga moni hei utu (mehemea ka pera) mo te whenua i riro.**  
**Te ra, me te wa, me te tikanga e whakaarahia ai e whakapaina ai ranei tetahi taiapa;**  
**Tenukuhangā o nga taiapa kihai nei i whakaarahia ki runga ki te rohe tika;**  
**Te haerenga ki runga ki nga whenua e piri ana ki te taha ki te whakaara ki te whakapai ranei i tetahi taiapa;**  
**Te utu e tika ana mo te whakaarahanga mo te whakarereke tanga me te whakapainga i tetahi taiapa, me nga tangata mana e utu aua moni me te rahi hoki o nga moni hei utu ma ia tangata, a mehemea he taiapa arai rapeti me ata titiro ano te painga i puta i taua mea;**  
**Te utu o nga whakahaerenga whakawa, me nga tangata mana e utu me nga tangata mana e tango nga moni.**
- Ko nga whakawa katoa e whakahaerea ana ki te aroaro o te Kai-whakawa mo nga mea kua whakahuatia nei i roto i te tekiona i mua tonu ake nei me whakahaere i runga i te hamene i runga i te tauira kua whakatakatoria, a ko aua whakawa me whakahaere, a ko nga ota i puta i runga i aua mea me aki rawa, a me mahi mehemea nei he keehi i whakahaerea i raro i "Te Ture mo nga Kaiwhakawa, 1882."  
**I runga i aua whakahaerenga whakawa katoa me whaimana nga tikanga o "Te Ture mo nga Kooti o nga Kai-whakawa Tuturu, 1893," e rite ana mo te honohononga mo te mukunga me te riiwhitanga o nga tangata whai-keehi.**
- Ka whaimana te Kai-whakawa ki te whakawa ki te whakatau i nga putake katoa e puta ana i raro i tenei Ture, ahakoa pewhea te iti te rahi ranei o te moni e tonoa ana, a ahakoa e uru ana ki taua putake nga take ki te whenua.
- I runga i tetahi ota i mahia e tetahi Kai-whakawa i raro i raro i te mana i tukua ki a ia e tenei Ture, ko nga moni katoa e taea ana te hamene i raro i tenei Ture, ka taea te hamene me te whakatau e tetahi atu Kooti whaimana.
- (1.) Ko nga panui e tukuna ana ki te tangata i raro i tenei Ture:—  
**Me hoatu a tinana ranei ki a ia, me hari ranei ka waiho i tona kainga e mohiotia ana i Niu Tireni, me tuku atu ranei ki reira e te poutapeta i roto i tetahi pukapuka i rehitatia.**  
**Ki te kore e mohiotia taua tangata, ki te kore ranei e kitea ina uiuia, i te mea ranei kua haere atu i te koroni, heoi me pera ano te tikanga o te tuku i te panui ki tona kaiwhakahaere ki tona roia ranei, me te mea kua whakaaturia ake nei.**  
**Mehemea kaore ona kai-whakahaere, roia ranei, e mohiotia ana i te koroni, ki te kore ranei e kitea ina kimihia tona kai-whakahaere tona roia ranei, heoi me perehi he kape o taua panui ki roto ki tetahi niupepa e puta ana i te takiwa i takoto ai taua whenua e whakahuatia ana i roto i te panui, a me whakairi hoki he kape o taua panui ki tetahi wahi marama i runga i taua whenua ki tetahi rori ranei e tutata aua.**
- Ko nga moni katoa e tika ana kia utua i raro i tenei Ture hei whakaea i te hawhe o te utu o te whakaarahanga me te whakapainga ranei i tetahi taiapa.  
**Me moni e tika ana, a mehemea e whai take ana me tuku ma te Kai-whakawa e whakatau; a Kaua e nuku atu i te tino hawhe o te utu, hui atu ki te itareti me nga moni e tika ana hei whakaea i te whakahaerenga me te mahinga e te tangata noho, ina tupono koia tonu tetahi nana i mahi.**  
**Ko te moni nui rawa e tika ana kia utua i raro i tenei Ture mo te hawhe o te moni i pau i te whakaarahanga i te taiapa,—**  
**Mo te taiapa pera te ahua me te mea i nama *toru* o te Kupu Apiti A, i whakaarahia ki roto ki tetahi Paro,**

kaua e nuku atu i te toru tekau ma rima hereni mo te tiini;

Mo te taiapa e hara nei i te taiapa arai rapeti, kaua e nuku atu i te rua tekau hereni mo te tiiui, haunga ia te hawhe o nga moni e tika ana kia utu mo te topenga me te tahunga i nga wahi ururua o te raina o taua taiapa;

Mo te taiapa arai rapeti, mo te mahinga ranei i te taiapa e hara nei i te taiapa arai rapeti hei taiapa arai rapeti, ko te moni i whakaaetia, ko ta te Kai-whakawa ranei i whakatau ai he moni tika, me te ata titiro ano ki nga tikauga o tekiona *tekau ma wha o* tenei Ture.

- Ko te tangata noho e whakaara ana e whakapai ana ranei i te taiapa i runga i nga tikanga o tenei Ture, mehemea he kino he uua ranei te huarahi atu ma runga i tona ake whenua e taea atu ai te mahi o taua taiapa, a kei te whenua e piri ana ki tana te huarahi ngawari, ka whai mana ia me ana kai mahi me aua hoiho, kau, kaata ranei, ki te haere i nga wa tika ma runga i te whenua e piri ana ki tana ki reira mahi ai i nga mea e tika ana hei whakaara hei whakapai ranei i taua taiapa:—

Engari me matua riro mai i a ia, i runga i te hamene, te ota a te Kai-whakawa (a kua whakamaua te Kai-whakawa i konei ki te tuku ota pera) hei whakamana i taua haerenga ona ma reira.

Mehemea ka araia e te tangata nona te whenua e te tangata noho ranei i reira, e ona kai-whakahaere, e ana pononga ranei, taua haerenga ma reira ki te whakaara ki te whakapai ranei i taua taiapa, hei reira, ahakoa etahi atu whiu e tika ana mo te tangata arai, e tika ana ma taua tangata arai e utu nga moni katoa i oti ai te whakaara me te whakapai ranei o taua taiapa.

- I runga i aua ota katoa, me whaimana enei tikanga:—

Ko te mana e hoatu ana i runga i taua ota me pai te whaka-haere kei kino nga mea o te whenua e haerea ana a runga.

Kaua he mea i roto i taua ota i tenei Ture ranei, e whaka-mana i te tangata kia haere ki runga i tetahi wahi mahi pera ai, mehemea he wahi tera e tupungia ana e te kai, he kaari, he kaari rakau hua, he maara, he tupuranga rakau, engari me matua whakaae e te tangata nona katahi ka.tika; a ki te kore taua whakaetanga kaua hoki te tangata e whai mana ki te tua ki te tope ki te whakakino ranei i nga rakau.

Mehemea ki te pa he mate ki te tangata nona, ki te tangata noho ranei, i runga i tetahi mea i mahia ngakaukinotia e tetahi tangata, a takahia ana nga tikanga o tenei tekiona o te tekiona ranei i mua tonu ake i tenei, ka tika kia utua nga mea katoa i whakakino ngia.

- E kore e tau nga tikanga o tenei Ture ki runga ki nga kawenata, whakaritenga, whakaetanga ranei kua rite i waenganui o te tangata nona te whenua me te kai-tango i te i te reti o te whenua, i waenganui ranei o nga tangata e noho ana i nga whenua e piri ana nga rohe mo runga i te utu o te whakaarahanga me te whakapainga o nga taiapa.

- Ka ahei te Kawana i roto i tona Kaunihera ki te hanga ritenga whakahaere mo nga mea katoa kihai i whakaritea he tikanga e tenei, mo nga whakawa e whakahaerea ana i te aroaro o te Kaiwhakawa i raro i tenei Ture.

- Ko nga Ture katoa e whakahuatia ana i roto i te Kupu Apiti C o tenei Ture kua whakakorea atu e tenei: Engari—

Ko nga whakahaerenga whakawa e takoto tarewa ana i raro i nga Ture kua whakakorea atu i te wa e timata ai te maua o tenei Ture, ka taea te whakahaere me te whakaoti i raro i aua Ture.

Ko nga panui i tukuna tikatia i runga i te ture, mo nga mahi me nga mea i mahia tikatia i runga i te ture i raro i te mana o nga Ture kua whakakorea, ka kiia i tukuna i mahia i raro i tenei Ture, a ka mau tonu i raro i tenei Ture.

## Nga Kupu Apiti.

### Kupu Apiti A.(1.) NGA TU AHUA O NGA TAIAPA TOTIKA.

- He taiapa pou me nga reera, kaore i hoki iho i te 3 putu 9 inihi te teitei, me rakau kaha, me u ki te whenua, kaua e iti iho i te wha reera, kaua e nuku atu i te 5 inihi te whanui o te wahi puare i waenganui o nga reera o raro, i waenganui hoki i te reera o raro me te mata o te whenua, kaua e nuku atu i te 9 putu te tatahi o nga
- He taiapa wawa me te waea, kaua e hoki iho i te 3 putu 9 inihi te teitei, me rakau kaha, u ki te whenua, kia kotahi kia maha atu ranei nga waea: ko nga waea kaua e ririki iho i te nama 8 me waea tiira me rino ranei; ko nga wawa me pou ki te whenua me titi ki te tepara me whiri ranei ki nga waea kia u ai kia tika ai te tu ki runga, a kaua e nuku atu i te 3 inihi te whanui o te puare i waenganui o ia wawa o ia wawa.
- He taiapa peringi, kaore i hoki iho i te 3 putu 9 inihi te teitei, he pou me nga reera e rua, he rakau

- whakatutu mea kani mea wawahi ranei, e whakatuturia ana, e neeratia ana ki nga reera e rua kia u, kaua e nuku atu i te 4 inihi te whanui o te puare i waenganui o ia rakau o ia rakau whakatutu.
- Ha tino taiapa waea, kaua e iti iho i nga waea e whitu he mea kukume kia maro, kia ono ranei nga waea me te reera mo runga ake, he waea putarataro ranei, me rakau patene me whakawiri ranei nga waea i waenganui i nga pou, ko nga pou me rakau kaha me rino ranei, kia u ki te whenua, ko nga pou kaua e hoki iho i te toru nga pou ki te tiini kotahi; ko te waea o runga kaua e hoki iho i te 3 putu 9 inihi te teitei ake i te mata o te whenua; ko nga waea me kaua e ririki iho i te nama 8 me waea tiira me rino ranei. Kaua e nuku atu i te 5 inihi te whanui o te wahi puare i waenganui o nga waea e toru o raro, o te waea o raro rawa rauei me te mata o te whenua.
- He tiuo taiapa waea, kaua e iti iho i nga waea e whitu he mea kukume kia maro, kia ono ranei nga waea me te reera mo runga ake, he waea putarataro ranei, me nga rakau patene kaore e neke atu ana i te 6 putu te matara, ko nga waea me titi ki te tepara me whakaputa ranei ma roto i nga patene, ko nga patene me rakau kaha me rino ranei, me pai me u te hanga; ko nga pou me kaua e hoki iho i te toru pou ki te tiini kotahi; ko te waea o runga me kaua e hoki iho i te 3 putu 9 inihi te teitei ake i te mata o te whenua, a ko nga waea me kaua e ririki iho i te nama 8 me waea tiira me rino ranei. Kaua e nuku atu i te 5 inihi te whanui o te wahi puare i waenganui o nga waea e toru o raro, o ta waea o raro rawa ranei me te mata o te whenua.
- He taiapa kowhatu, mea hanga pai me taiapa kaha, kaua e hoki iho i te 4 putu te teitei, kaua e hoki iho i te 2 putu 6 inihi te matotoru o raro.
- He taiapa tupu puputu.
- He taiapa ranei he mea huihui no etahi o aua tu ahua taiapa kua whakahuatia ake nei, kaua e hoki iho i te 3 putu 9 inihi te teitei.
- Ko etahi atu tu taiapa (me uru ki tenei kupu ki te "taiapa" te awa tetahi awa kari ranei) e whakaaetia ana i waenganui o nga hunga e whai take ana ki taua taiapa, a me tuhituhi rawa ki te pukapuka taua whakaaetanga.

## **(2.) NGA TU AHUA O NGA TAIAPA ARAI RAPETI.**

- He taiapa totika, he rakau mea kani mea wawahi ranei e tutu haere ana, kaua e hoki iho i te 3 putu te teitei o aua rakau, me 6 inihi te hounga iho ki te whenua, me u hoki te tu, kaua e nuku atu i te 1 inihi te whanui o te puare i waenganui o ia rakau o ia rakau whakatutu.
- He taiapa totika ranei kaua e hoki iho i te 3 putu 9 inihi te tetei, pou rakau rino ranei, ko nga pou me kaua e neke atu i te 9 putu te matara atu o tetahi i tetahi, kia rua kia maha atu ranei nga waea rino tiira ranei, me te waea putarataro mo runga; a e apitiria atu ana hoki he kupenga waea he mea whakamau ki te waea, he mea titi ki te whenua, mea tanu ranei kia 6 inihi te hohonu ki te whenua, ko taua kupenga waea kaua e hoki iho i te 42 inihi te whanui, me waea nama 16, a kaua e rahi ake i te kotahi inihi me te hawhe te whanui o nga mata o te kupenga waea.
- Ki te mahia nga taiapa e whakaaturia nei e Kupu Apiti A hei taiapa arai rapeti me whakamau atu he kupenga waea, me u te here ki nga waea, a me u hoki te titi ki te whenua, me tanu ranei kia ono inihi te hohonu ki te whenua; ko taua kupenga waea kaua e hoki iho i te 42 inihi te whanui, me waea nama 16, a kaua e rahi ake i te kotahi inihi me te hawhe te whanui o nga mata o te kupenga waea.

Otira ko nga taiapa e tu ana inaiane i kore nei e taea te whakamaro he kupenga waea pera te whanui me te mea kua whakaaturia ake nei, he pai noatu kia whaiti iho te kupenga.

## **Kupu Apiti B.**

### **TAUIRA 1.—PANUI TONO KIA HANGA HE TAIAPA.**

Ki a , tangata noho [te tangata nona, kai-tango riihi, kai-whakahaere ranei] o [ka whakaatu ai te ahua o te whenua piri atu].

KIA MOHIO MAI e hiahia ana ahau kia hanga i naiane tonu he taiapa i waenganui i [ka whakaatu atu ai te ahua o nga whenua] (i teo nga ra o, 18i mua mai ranei), a ko taua taiapa me taiapa [ka whakaatu atu ai te tu ahua taiapa me tona rarangi i roto i te Kupu Apiti A.]. Ko te roa o te taiapa e maharatia ana etiini, a ko te atu e maharatia ana emo te tiini.

I tuhia i teo nga ra o, 18.

A.B.,

Tangata noho [te tangata nona, kai-tango riihi kai-whakahaere ranei] o &c

## **TAUIRA 2.—PANUI WAHAKAHOKI.**

KIA MOHIO mai e whakahe ana ahau ki to panui tono kia hanga he taiapa, i tuhia nei i teo nga ra o 18, i runga i te mea kaore i te rite ki taku ka whakaaturia nei ki a koe, ara, me hanga he taiapa i waenganui [*whakaaturia i konei nga whenua*] inaianei tonu [i teo nga ra o, 18, i mua mai ranei] a ko taua taipa [*me whakaatu te ahua o te taiapa, me tona rarangi i roto i te Kupu Apiti A.*]. Ko te roa e maharatia ana etiini, a ko te utu e maharatia ana e mo te tiini.

I tuhia i teo nga ra o, 18.

C.D.,

Tangata noho, [unclear: &c]

## **Kupu Apiti C.**

### **NGA TURE E WHAKAKOREA ATU ANA. *Ture o te Runanga Nui.***

1881, Nama 28.—Te Ture Taiapa, 1881.

1882, Nama 64.—Te Ture Whakatikatika 1882 i Te Ture Taiapa, 1881.

1888, Nama 27.—Te Ture Whakatikatika 1888 i Te Ture Taiapa, 1881.

1890, Nama 17.—Te Turo Rapeti, 1890. *Ko tetahi wahi anake e whakakorea ana, ara ko te whakamaramatanga o te tu ahua o [unclear: te] "taiapa arai rapeti" i te tekioua rua.*

1891, Nama 43.—Te tekiona rua o Te Ture Whakatikatika 1891 i Te Ture Rapeti, 1890.

1893, Nama 30.—Te Ture Whakatikatika 1893 i Te Ture Taiapa, 1881.

### ***Ture o te Porowini o Akarana.***

Huihuinga XXIX., Nama 24.—Te Ture Whakatarewa Ture Taiapa, 1874.